




La Quotidiana
7007 Cuir
081/255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'105
Erscheinungsweise: 5x wöchentlich

Themen-Nr.: 260,010
Abo-Nr.: 1045249
Seite: 5
Fläche: 56'012 mm²

Ilanz/Glion e Lumnezia coopereschan

Las duas vischnaucas tscherca in persuna per la lavur da giuventetgna



La giuventetgna dalla vischnaunca dad Ilanz/Glion ha la pussivladad da s'entupar el stabiliment dalla Swisscom a Glion. FOTO A. CADONAU

DAD ANDREAS CADONAU

■ **Per augmentar l'attractividad dalla piazza ein las duas vischnaucas Lumnezia ed Ilanz/Glion sedecidas da colaborar el sector dalla lavur da giuventetgna. Ellas tscherca actualmein in assistenta ni in assistent da juvenils en piazza parziala responsabels per la lavur da giuventetgna en omisdas vischnaucas.** La suprastonta dalla vischnaunca Lumnezia e responsabla per la lavur da giuventetgna, *Elisabeth Lorez*, ha puntuau che la collab oraziun cun la vischnaunca dad Ilanz/Glion midì nu-

ortzun vid ils loghens existents da sentupada dalla giuventetgna. La giuventetgna lumneziana vegni vinavon a s'entupar a Cuschnaus e per la giuventetgna dalla vischnaunca dad Ilanz/Glion stetti la sentupada el marcu da Glion a disposiziun. La collaboraziun seigi vegnida a strada perquei che omisdas vischnaucas erien da medem temps alla tscherca dad ina ni in responsabel per la lavur da giuventetgna. Grazia alla cunvegnientscha dallas duas vischnaucas da tscherca in assistenta ni in assistent ton per la lavur da giuventetgna en Lumnezia sco a Glion

aulzi l'incumbensa dalla piazza da lavur sin 70 pertschien ed augments cheutras l'attractividad dalla piazza. Ei seigi numadamein semussau per problematic dad insumma anflar persunas hablas e prontas da surpender l'incarica, ha Lorez dau d'entellir. La suprastonta dalla vischnaunca Lumnezia ha communicau che las duas vischnaucas Lumnezia ed Ilanz/Glion hagian suttascret ina cunvegnientscha da prestaziun pertuccont la lavur da giuventetgna. Sper la persuna responsabla per la lavur da giuventetgna actualmein tscher-



La Quotidiana
7007 Cuir
081/ 255 57 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'105
Erscheinungsweise: 5x wöchentlich

Themen-Nr.: 260.010
Abo-Nr.: 1045249
Seite: 5
Fläche: 56'012 mm²

cada vegni aunc encuret personal cun pintga incumbensa per survegilar ils dus loghens da sentupada existents a Cuschnaus ed el marcau da Glion. Vinavon vegni instradada ina cumissiun da giuventetgna cun mintgamai treis representants da mintga vischnaunca per empalar e sefatschentar cun la strategia dalla lavur da giuventetgna, ha Lorez dau d'entellir.

Il label dalla SAB ha purtau fretg

Avon beinprest in onn ei la vischnaunca Lumnezia vegnida undrada dalla Grupp svizra per las regions da muntogna (SAB) cun il label dad in vitg muntagnard attractiv per la giuventetgna. Cun quei label undra la SAB vischnauncas che s'engaschan per la giuventetgna. La grupp vul porscher alla giuventetgna muntagnarda ina vusch ed augmentar l'identificaziun dils giuvenils cun lur vischnaunca nativa ed aschia prevegnir alla depopulaziun. Sin fundament dalla distincziun ha la vischnaunca lumneziana augmentau gia la primavera vargada il pensum dalla piazza dalla lavur da giuventetgna da 10 pertschien sin 30 entochen 40 pertschien. Tenor indicaziuns dalla vischnaunca vegn biebin in tiarza dils cuosts purtada dallas pleivs lumnezianas ed il rest dalla vischnaunca politica. Lorez ha accentuau

che quei augment dalla piazza fussi buca staus pusseivels senza il label surdaus dalla SAB. La vischnaunca hagi giu elavurau in rapport per mauns dalla SAB e para che quei concept ha persquadiu la SAB e pli tard era la suprastanza communal lumneziana. Tschercar personal per la piazza augmentada ei denton semussau per difficultus. La suprastanta Elisabeth Lorez ha explicau che la vischnaunca havessi stuiu tschercar ina collaboraziun cun ina instituziun per saver occupar la piazza. Daferton seigi la collaboraziun cun la vischnaunca Ilanz/Glion sepurschida. Da cuminonza cun il Post specialisau per la lavur da giuventetgna dil Grischun seigi la collaboraziun dallas duas vischnauncas instradada. Lorez ha menziunau ch'ils binaris segien tschentai e ch'ei seigi pusseivel da tschercar ina persuna adattada per la lavur da giuventetgna dallas duas vischnauncas. Dapi onns porscha la Lumnezia als scolars dalla scola superiura mintgamai il vendergis sera duront il temps da scola la pussevildad da s'entupar en ina localitad a Cuschnaus. Ina purschida che vegni apprezzada dalla giuventetgna lumneziana, sco quei che la suprastanza communal ha dau d'entellir. Eventualmein seigi ei pusseivel da plidentar en ina ni l'autra moda era la giuventetgna lumneziana sur 16 onns.